



Inzko: Srebrenici je potrebna konstruktivna politika i ekonomski razvoj

Visoki predstavnik Valentin Inzko danas je posjetio Srebrenicu i sastao se sa vršiocem dužnosti načelnika Opštine Čamilom Durakovićem, predsjednikom Skupštine opštine Radomirom Pavlovićem i drugim predstavnicima opštine.

Visoki predstavnik je posjetio Osnovnu školu „Petar Petrović Njegoš“ i tvornicu „CIMOS“, te se neformalno sastao sa grupom mladih iz Srebrenice i s njima razgovarao o pitanjima koja utječu na njihov svakodnevni život. Tokom sastanka, razgovaralo se o načinu na koji se ponovo može izgraditi povjerenje u Srebrenici, kao i o okončanju procesa povratka i vraćanju ovog područja na put održivog ekonomskog razvoja.

„Lokalni lideri moraju pokazati odgovornost i osigurati da stanovnici Srebrenice mogu početi s maksimalnim iskorištavanjem kapaciteta za razvoj ovog područja“, rekao je visoki predstavnik. „Izazovi u Srebrenici su daleko veći od samog pitanja izbora – ljudi žele bolji život, a tu ključnu ulogu imaju konstruktivna politika i ekonomski razvoj.“

Visoki predstavnik je rekao da pitanja koja proizilaze iz predstojećih opštinskih izbora u Srebrenici mogu biti riješena kroz dogovor stranaka u Srebrenici.

Na kraju svoje posjete visoki predstavnik je položio vijenac u okviru Memorijalnog centra u Potočarima i sastao se s predstavnicima udruženja porodica žrtava.